



O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. Gonzalo Constenla Bergueiro
(Delegado Provincial da Consellería do Medio Rural)

VOCALIS

D. Víctor Abelleira Argibay
(Avogado polo Colexio da provincia)
Dña. M^a Jesús Novoa Suárez
(Letrado da Asesoría Xurídica da Xunta)
D. Jesús de la Fuente Villar
(Xefe do Servizo de M.I.F.)

VOCALIS REPRESENTANTES DA PARROQUIA DE OLLARES, CONCELLO DE VILA DE CRUCES

D. Ramón Verde Vilanova
Dña. Belén Raposo Pérez

SECRETARIO

D. José M^a Muiños Mayoral

Na cidade de Pontevedra, sendo as dezasete horas do día oito de novembro do 2007, coa asistencia das persoas ó marxe reseñadas, reúnese na 3^a planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación dos montes "San Gregorio e outro", da parroquia de Ollares, do concello de Vila de Cruces.

ANTECEDENTES DE FEITO

PRIMEIRO.- Con data de entrada 19/08/05, D. Ramón Verde Vilanova, en representación dos veciños da parroquia de Ollares, do concello de Vila de Cruces, presenta solicitude de iniciación de expediente de clasificación dos montes denominados "San Gregorio e Bedo" como veciñais en man común para os veciños da parroquia de Ollares, acompañando informe técnico e pericial, describindo o monte, identificación, superficie, ocupacións e lindeiros

SEGUNDO.- Subsanadas determinadas eivas e fallas advertidas pola Administración, o Xurado Provincial de Montes en Man Común acordou, na súa sesión de 10/01/06, incoar o correspondente expediente de clasificación dos devanditos montes



TERCEIRO.- O rexistrador da propiedade de Lalín, certifica con data 13/10/06, que o monte solicitado non aparece inscrito a nome de persoa algunha.

CUARTO.- Á vista da documentación aportada polo solicitante e o informe do Servizo de M.I.F. os montes obxecto do presente expediente, obedecen á seguinte descripción:

CONCELLO: VILA DE CRUCES

PARROQUIA: OLLARES

NOME DO MONTE: "San Gregorio"

Cabida: 2,9898 Has. (superficie alegada na solicitude)

Lindes:

Norte: Río Ulla, arroio e predios particulares de Antonio Asorey

Sur: Arroio, capela de San Gregorio e predios particulares de Alfonso Casal Pedrosa

Leste: Capela de San Gregorio e predios particulares de Antonio Asorey, Aniceto Verde e Vitoriano Sánchez

Oeste: Arroio

NOME DO MONTE: "Bedo"

Cabida: 3,5525 Has. (superficie alegada na solicitude)

Lindes:

Norte: Río Ulla e predios particulares de Feliciano Casal Alvarez

Sur: Predios particulares de Albino Méndez Casal, Carmen Silva Soto, Obdulia Verde Asorey, Aniceto Verde Montero, Felicita Alonso Salgueiro, Luciano Rial Blanco, Manuel García, Agapito Lorenzo e Elvira Casal, Herdeiros de Eduardo Penas, Florinda Vilanova e Antonio Verde Asorei

Leste: Predios particulares de Juan Rodríguez Laredo e Feliciano Casal Alvarez

Oeste: Predios particulares de Albino Méndez Casal, Carmen Silva Soto, Obdulia Verde Asorey, Aniceto Verde Montero, Felicita Alonso Salgueiro, Luciano Rial Blanco e Manuel García

QUINTO.- Feita-las comunicacións do artigo 23 do Decreto 260/1992, do 4 de setembro, e aberto período de audiencia, presentou alegacións o promovente do presente procedemento e que se dan por reproducidas e obrantes no expediente

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.



Segundo.- De conformidade có artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende por montes veciñais en man común *"... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños"*.

Así, segundo abundosa xurisprudencia, o feito que xustifica a clasificación ou non como vecinal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.


Terceiro.- O uso en man común das dúas parcelas de monte solicitadas, tense suficientemente acreditado tanto pola documentación aportada polo solicitante, como polo feito de que non se presentaran alegacións.

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, propónse polo Instructor e de maneira unánime o Xurado **ACORDA:**

CLASIFICAR como veciñais en man común os montes denominados "San Gregorio e Bedo", a prol dos veciños da parroquia de Ollares, do concello de Vila de Cruces, de acordo coa descrición reflectida no feito cuarto e a planimetría elaborada ó efecto polo Servizo de Montes e Industrias Forestais que forma parte inseparable da presente Resolución


Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.





Handwritten signatures and initials in blue ink.

	Nº DE PLANO : 1 DE 2 PARCELA Nº 1 "SAN GREGORIO" SUP. = 29.828 m2	DATA : XANEIRO-2008 ESCALA : 1/5.000 AUTOR : TOPOGRAFIA Nº DA FOLLA : 121-17-18	TRABALLO : PLANO DE CLASIFICACIÓN CONCELLO : VILA DE CRUCES PARROQUIA : OLLARES COMUNIDADE : OLLARES MONTE : SAN GREGORIO XUNTA DE GALIZIA CONSELLERÍA DO MEDIO RURAL SERVIZO DE MONTES-DELEGACIÓN DE PONTA DE GALIZA
---	---	---	--



[Handwritten signatures and marks]

Nº DE PLANO 2 DE 2
 PARCELA Nº 2
 "BEDO"
 SUP. = 38.704 m2

DATA: XANEIRO-2008
 ESCALA: 1/5.000
 AUTOR: TOPOGRAFIA
 Nº DA FOLLA: 121-17-18

TRABALLO: PLANO DE CLASIFICACIÓN
 CONCELLO: VILA DE CRUCES PARROQUIA: OLLARES
 COMUNIDADE: OLLARES MONTE: BEDO

XUNTA DE GALIZIA
 CONSELLERÍA DO MEDIO RURAL
 SERVIZO DE MONTES-DELEGACIÓN DE PONTA DE GALIZIA